

Selelekela

Kgaolo ya 4 ya Molaotheo (Karolo ya 59 le ya 72) e beha boitlamo le boikarabelo ho Palamente ho kgonahatsa phihlello le ho kenyelletsa setjhaba tsamaisong ya ketsamelao le ditsamaisong tse ding tsa Palamente.

Nalane

Jwalo ka lenaneo la ho aha Palamente ya Batho ya phethahatso e arabelang ditlhoko tsa batho le e kgothaletswang ke mohopolo wa ho netefatsa bophelo bo boleng bo botle bakeng sa batho bohle ba Afrika Borwa, Palamente ya Rephaboliki ya Afrika Borwa e entse qeto ya ho tswa letsholo la ho thea Dikantoro tsa Demokerasi Palamenteng (tse tsejwang ka hore ke di-PDO) diprofensing tse robong kaofela ha tsona.

Ho fihlela jwale, dikantoro tse tharo di se di theilwe diprofensing tse latelang: Limpopo, Kapa Leboya le Leboya Botjhabela le PDO e Bohareng e kwana Palamenteng.

Matlataelo a di-PDO

Dikantoro tsa Demokerasi tsa Palamenteng di thewa ka maikemisetso a ho etsa boteng bo tswelang palamenteng bo utlwahale hanghang, haholo harehare mahaeng, bathong ba nang le mehlodi e menyane le ditshebeletso

tse nyane diprofensing tse robong kaofela ha tsona, tseo ka mabaka a fapaneng di dutseng di sa kenyelletswa dingangisanong tsa setjhaba le ho ba le seabo ha setjhaba.

Dipehelo tsa di-PDO

- Ho hodisa phihlello, monyetla le tikoloho ya Palamente hore e shebane ka ho tobana le ho buisana ho tswelang le batho bao kamehla ba qheletsweng ka thoko dingangisanong tsa naha setjhabeng.
- Ho hokahanya ho ba le seabo ha setjhaba le kenyelletso ditsamaisong tsa ketsamelao le diketsahalong tse ding tsa Ntlo ya Seema ya Naha le Lekgotla la Naha la Diprofensi le Dikomiti tsa tsona diprofensing kaofela ha tsona, ho ya ka moralo wa mawa a palamenteng le khalendara ya selemo se seng le se seng.
- Ho netefatsa maemo a hodimo a phethahatso, a moruo le phethahalo ya ho fihlella setjhaba le ho fana ka tshehetso ya mananeo a palamenteng.

Mosebetsi ya di-PDO

Mosebetsi wa rona ke ho:

- Fana ka lesedi ka Palamente le mosebetsi wa yona

- Etsa mananeo a thuto ya setjhaba le a matlafatso ka Palamente
- Fana ka polatefomo bakeng sa phihlello ya setjhaba, ho kenyelletswa le ho ba le seabo ditsamaisong tsa Palamente
- Fana ka tshehetso mananeong a palamenteng
- Tsamaisa mmoho le ho sebedisana le makala a mang a mmuso

Mananeo a di-PDO

Mananeo a rona a kenyelletsa tse latelang:

- Ho lekola tikoloho
- Dikopano tsa boitjhoriso tsa matlafatso ya ba amehang
- Tlhokomediso ya setjhaba
- Tshehetso ya mananeo a palamenteng
- Tjhebotjha tsa selemo se seng le seng le ba amehang

Tekolo ya Tikoloho

Ena ke moggwa oo dikantoro di hlwayang le ho bokella lesedi ka dintho tsa amang setjhaba, ditlhoko le dingongoreho tsa setjhaba hore ho tsebiswe Palamente le ho netefatsa hore dipehelo tsa mananeo a bona tse lebelletsweng di a fihlellwa.

Dikopano tsa boitjhoriso tsa Matlafatso ya Ba Amehang

Sepheo sa dikopano tsena tsa boitjhoriso ke ho matlafatsa ba amehang le mekgatlo ya setjhaba ka kutlwisiso le tsebo ya Palamente le tsamaiso ya ketsamelao, hore e kgone ho tsamaisa ditaba tsa setjhaba ka phethahalo mabapi le Palamente le ho ba le seabo ho utlwalang ditsamaisong le diketsahalang tsa palamenteng.

Tlhokomediso ya Setjhaba

Lenaneo lena le fa ditho tsa setjhaba monyetla wa ho buisana le Ditho tsa Palamente le makala a mang a mmuso mabapi le ditaba tsa bona. Polatefomo ena e tswela pele ho sebedisetswa ho fa setjhaba lesedi, ho tsamaisa ditlhahiso le ditlaleho ka ditaba tse ka pele ho Palamente.

Tshehetso ya Mananeo a Palamenteng

Di-PDO di fana ka tshehetso mananeong ohle a palamente diprofensing, haholoholo Matlong ka bobedi, e leng Ntlo ya Seema ya Naha le Lekgotla la Naha la Diprofensi le Dikomiti tsa tsona.

Ditjhebotjha tsa selemo se seng le se seng le Ba Amehang

Sepheo sa ditjhebotjha ke ho fana ka sebaka bakeng sa ba amehang le ditjhabana tseo re sebeditseng le tsona ho fana ka tlaleho le tlhahiso

tse sebediswang ho fana ka lesedi le ho ntlafatsa mananeno a rona. Ba amehang ba tswang dibakeng tseo ho shejanweng le tsona le bona ba a mengwa.

O KA IKOPANYA LE RONA JWANG

PDO E BOHARENG

Office 52, Good Hope Building,
Parliament of RSA, CapeTown, 8000

T: 021 403 3373 / 8215
F: 021 403 3118
E: pdo-info@parliament.gov.za

PDO LIMPOPO

One Stop Shop Centre,
Ga-MatlalaThaba, 0756
PO Box 1516, Bakone, 0746
T: 015 227 0050/6
F: 015 227 8900

PDO KAPA LEBOYA

9 Meul Singel, PO Box 754, Kakamas, 8870
T: 054 431 0508
F: 054 431 1951

PDO LEBOYA BOTJHABELA

Old Municipal Building / Old Governors
House, Phola Section, Ganyesa
PO Box 561, Ganyesa, 8613
T: 053 998 4262
F: 053 998 4261



PARLIAMENT
OF THE REPUBLIC OF SOUTH AFRICA

DIKANTORO TSA DEMOKERASI YA PALAMEN TENG

